

Battacor cun Tartaruga

Il 12avel Top Pop Rumantsch

■ (cp) Cuir, ils 15 da november 2007 – il 12avel Top Pop Rumantsch vegn chantà da Thomas Cathomen alias Tartaruga. La chanzun cun il titel «Tgei?» ha fatg in grond viadi. En plirs grads. L'emprima skizza da la chanzun «Tgei? (la battida da miu cor)» ha Benedetto Vigne cumponì avant bunamain 30 onns. «Jau pensava ad ina ballada dal tip 'Nights In White Satin'» declera il coordinatur dal project Top Pop. La primavera passada ha el scrit in nov text e preschentà la truvaglia al producent Manfred Zazzi. Quel ha proponì ina battaria irregulara che rumpa il valzer original da

la chanzun – e che illustrescha ultra da quai «la confusiun en la battida da miu cor». Ed en l'arranschament ha el mess ina temprada da western. Da princip èsi stà cler da surdar il chant a Thomas «Tartaruga» Cathomen. Ina detga sfida, damai ch'il chantatur rumantsch viva en il Mexico. Ma nagin problem en il temp da l'internet: Manfred ha trames vi la basa instrumentala per e-mail, e Thomas ha chantà quavi en in studio la melodia ed er gist agiuntà ils chors tenor ses gust. In grond gust! D'udir exclusiv sin Radio Rumantsch. E bainspert er sin il disc da cumpilaziun Top Pop Rumantsch!



Thomas Cathomen alias Tartaruga.